


DEN AMBIENTE

Dilanti un publico grandi na Las Vegas Bar San Nicolas... TRES C.D. DI CRYSTAL SOUND FACTORY A SER BAUTISA..

Singing Olivia, Woody, Qua-Si & Dushi Band...

** Pa prome biaha den historia farandulero di Aruba, a tuma lugar bautismo y presentacion envivo di tres disco compacto; Singing Olivia, Woody, y e combinacion di Dushi Band & Orquesta Qua-Si.

Esaki a tuma lugar diamars ultimo dilanti Las Vegas Bar na San Nicolas, na unda un publico grandi



tabata testigo di e acto historico aki.

E C.D. di Singing Olivia ta titula "Hot Like Pepper", esun di Woody "This The Way We Like It" y esun combinacion di Dushi Band & Qua-Si ta titula "United We Stand", cua ta contene cancionnan di Tatoo, Cesar Olarte, Mighty Hippy y Caiso Teddy kende ta ser considera como e



ROADMARCH KING SIN CORONA.

Tur e tres C.D. nan aki ta obtenible na tur nos discobarnan mas popular y tambe durante e dos paradanan riba ambos trailer

di Dushi Band y Orquesta Qua-Si.

DEN AMBIENTE ta gradici e P.R. di e evento aki un miyon di gracias pa e tremendo atencion y cooperacion...



Formacion Taxx ta lansa su C.D. riba mercado.. ... "TAXX DISQUALIFIED TO THE MAXX" ...

** Durante siman e disco compacto di Formacion TAXX a yega Aruba. Riba e C.D. aki titula "Taxx Disqualified To The Maxx", ta aparece "Stripes' Rus", "Wild Indjan", "Boxin' Satan", "Rabbit", "Boopsie" y "Hang Loose".

Segun DEN AMBIENTE por a compronde for di Errol de Freitas, kende ta manager di e popular grupo aki, cu e C.D. aki lo ser promove den exterior, na unda caba e interesnan ta grandi, muy especial pa nan dos hitnan "Boxin' Satan" y "Wild Indjan".

E produccion aki a ser realiza den Aruba Recording Studio y ya ta riba mercado, na unda e ta obtenible na tur nos disco barnan. Tambe por haya esaki serca Errol de Freitas na tel: 70343...